



Kwaan

- 01 أُكْوَاسَنَة نُوْهِي دَهاَي «تُون تُوْبُوْتِيْب اَنْيْب اَنْفِرْ هِسِيْنِيْب
بِرُوْك اَوْبَهَاتُوَة اَكَاي، بَرُوْكُوَة اِنْدُوَاكُوَة ثَمْرَكَب شُوْمَانَة.
- 02 بَرُوْك اَسْرَمَة جِنْسَة كَسُوْه اُوْرِيُو اُوْنَهْسَانِي كُوَابُوَة
رَبَابُوَة هُوِي يَكْسَا. اُوْرِيُو اُوْنَهْس اَبَاكِيْنَاي هَنْ مَلُو جِنْسَة
كُوَابُوَة رَبَابُوَة يَكْسَا.
- 03 مَسِي اَسْرَمَة جِنْسَة كَسِيَه اِيْكَلِيِي، كُوَابُوَة رَبَابُوَة يَكْسَا.
اَنْ بَرَاه مَلِيَة وَهَاشِيْب قَقُوْدِيْن.
- 04 اَمْسِيْنِي اَسْرَمَة اِمْبَايِيَة هَرَاي فَقُّق تَمُوْن اِمْبَايُوَة هُوَادُوَة
تُوْبُوْتِي كَهِي بَرِيْب اِسِيْسِيَام اَنْدِي. كَسْتِيَه نِيْدَهْنِيَة تُوْبُوْتِي
كَهِي اَدَايِيْت كُوْدِيْسِي اَنْدِي.» اِدِي.
- 05 نُوْه كَسْتُوْه اُكْوَاسَنَة سُوِيْنِيْت تُوْنَة اِدَا.
- 06 تُوْبُوْر كُوَانْتَهُوْب، نُوْه اَسْقُوْر شِيْب هُوْلَة اِيْبِرِي.
- 07 نُوْهْوَة تُتَكْتُوْسُوَة، يَارَاس مَأْتِيْسُوْسُوَة، اُكُوَانِي اِيْدَهْنَة
جَلَاي ثَمْرَكَب شُوْمِيَان.
- 08 مَلُوْب مَلُوْب كَسُوْه اُوْرِيُو اُوْنَهْسُوَة اُوْنَهْس اَبَاكِيُوَة،
اِيْكَلِيُوَة، نِيْدَهْنِيَة كَسْتَاه تُوْبُوْتِيْب اِيْفِيْنِيْت،
- 09 كُوَابُوَة رَبَابُوَة اِيْكِيْنِيْت نُوْهِي دَهاَي اِيْنِيَانِيْت، اُكْوَاسَنَة
نُوْه سُوِيْنِيْت تُوْنَاتِيْت ثَمْرَكَب شُوْمِيَان.
- 10 اَسْرَمَات پِيْنَاتِي هَرَاي، اُوْكُوَان تُوْبُوْتِي كَهِي كُوَانِيَة.
- 11 نُوْهِيْب يَأَسْقُوْر شِي تَمِيْمِيَانِيْت تُوِيْن، اُوْمْبَا اِيْمَنَة
اَسْرَمَة اُوْتَرَق اَمَلِيَاي، تُوْبُوْتُوَة تَابَرِيُوَة يَم اِفْدَقْنَة.
- 12 فَقُّق تَمُوْنْت يِنَة بَايِيُوَة هُوَادُوَة اُوْبِرِي اِيَام.
- 13 بِيْن اُوْمْبَا نُوْهْوَة يَارَاس شِيْمُوَة، هَامُوَة، يَافِيْتُوَة، هَدَاب
تُنْكَتِيُوْس قِيْبُوَة مَهِي يَارِيْتِيْس مَأْتِي قِيْبُوَة ثَمْرَكَب شُوْمِيَان.
- 01 Ukwaasana Noohi dehaay «Toon toobuutiib
aneeb anfirhisiiniib barook oobhaatwa akaay,
Baruukwa indhiwaakwa tumirkab shuumaana.
- 02 Baruuk asarama jinsa kassooh ooreew
oonhasnaay kwaabwa rabaabwa hooy yaksa.
Ooreew oonhas baakaaynaay han malu jinsa
kwaabwa rabaabwa yaksa.
- 03 Masi asarama jinsa kasseeh eekilayee,
kwaabwa rabaabwa yaksa. Aan barah malya
whaashiib gaguudeen.
- 04 Amseenee asarama imb'eeya har'ii fadhig
tamuun imb'eewwa hawaadwa toobuuti khii
bireeb isiisiyaam andi. Kasteeh tidhhaniya
toobuuti khii ad'iyeeet kwidhsi andi.» idi.
- 05 Nooh kastooch Ukwaasana sooyaneet toona
id'i.
- 06 Tuubuur kwaantanahoob, Nooh asagwir
sheeb hawla iibri.
- 07 Noohwa tutakatooswa, y'araas
m'ateesooswa, ukwaanii iidhhanna jillaay
tumirkab shuumiyaan.
- 08 Maloob maloob kassooh ooreew oonhaswa
oonhas baakaaywa, eekilaywa, tidhhaniya
kastaah toobuutiib eefeent,
kwaabwa rabaabwa ikeeniit Noohi dehaay
eeyaaniit, Ukwaasana Nooh sooyaneet
toonaatiit tumirkab shuumiyaan.
- 10 Asaramaat yiinaati har'ii, uukwaan toobuuti
khii kwaaniya.
- 11 Noohiib y'asagwir shi timmiimyaaneet
tooyiin, oomb'i itamna asarama ootrig
umalyaay, tuubutwa taabrewwa yam
ifdagna.
- 12 fadhig tamuunt yina b'eebwa hawaadwa
uubri iyaam.
- 13 Been oomb'i Noohwa y'araas Sheemwa,
Haamwa, Yaafeetwa, hiddaab tutakatiyoos
geebwa mhay y'areetes m'ati geebwa
tumirkab shuumiyaan.

14 بَرَاهِ كَسْتِيَه تِدْهَنْيَه قَاتَكَة جِنْسِيَسُوَس، اُورِيَّوَه، مَلَالِيَت
دُهْنِيَاوَه، اِيَكْلِيَوَه قِيَبُوَس اِيَهِيَن-

15 نُوَه شُوَك اِيِبْرِيَنَت تِدْهَنْيَه كَسْتِيَسُوَه كُوَابُوَه رِبَابُوَه
قِيَبُوَس اِيَهِيَه-

16 تِدْهَنْيَاتِيَب هُوَي اِيَفِيَن- اِيَن بَرِيَه سُوَر اُكُوَاَسَنَه سُوِيَاَب اُكَاي
اِدَايَن- مَلِيَه اُكُوَاَسَنَه اِدْئِفَه كَهِي اُسِيَه-

17 فَطَّقْ تَمُونَت يِيِنَات ثُوَبُوَر يَم كُوَانَتَه، اِيَم فُوَدِيَانَهوُب،
ثُمْرَكَب اُسَه يَأِكَنَه-

18 اِيَم تَقِيَقِيَان، وَنَيْت تَوُبُوَتِيَه كَهِي فُوَدِيَان- ثُمْرَكَب هَن
اِيِيَمِيَه كَهِي بِيَرَتَه-
19 اَن اِيَم تَوُبُوَتِيَه كَهِي وَنَيْت تَقِيَقَاب اِيَكِيَن، اَرَبَه تَبْرِيَتِيَه
وَهِي اِيَفِيَن كَسَاه يَمِي اِكُوَبَسَنَه-

20 اِيَم اُكْرَاب تَقِيَقِيَان، اِيْرَبَه اِتَقِيَقَاب اُمَهَكُوَل اُسْرَمَه مِترَه
دَايَان-
21 كَسْتُوَه تَوُبُوَتِيَه كَهِي اِيَفِيَن تِدْهَنْيَه: اِكْلِيَوَه، اُورِيَّوَه،
اِمَلَالِيَت دُهْنِيَاوَه، تِدْهَنْيَه تَاتِرَفُوَه، اُوَدَهْيُوَه كَسَاه دَقِيَمِيَان-

22 وَهَاشِيَب تِيَفِيَنَه هَمَشُوَكْتِيَنَه كَسْتَاه اِيَان-

23 اُكُوَاَسَنَه كَسْتِيَه تِدْهَنْيَه تَوُبُوَتِيَه كَهِي اِيَفِيَن يَهْتِيَه اِدَا-
اُوَدَهْيُوَه، اُورِيَّوَه، كَسْتِيَه تِدْهَنْيَه تَوُبُوَتِيَه كَهِي اِتْرَفُوَه،
تِيَكْلِيَوَه كَسْتِيَه اُكُوَاَسَنَه اِيَسِيَس اِدَا- نُوَهوَه اِقِيَب ثُمْرَكَبِيَب
اِيَفِيَنوَه اَبَهَد اِمَهِيَن-

24 شِيَبُوَه اِي تَمُون يِيِنَاتِيَه هَرَاي، اِيَم نَاتِيَه تِكُوِيَان-

14 Baraah kasteeh tidhhaniya gaatka jinsiisoos,
ooreewwa, malaaliit dhhaniyaawwa,
eekilaywa geeboos iyheen.

15 Nooh shuuk iibriint tidhhaniya kasteesooh
kwaabwa rabaabwa geeboos iyhi.

16 Tidhhaniya tumirkab shuumaa iifiint
kwaabwa rabaabwa kasteeh tidhhaniyaateeb
hooy iifiin. Een bareeh suur Ukwaasana
sooyaab akaay id'iin. Malya Ukwaasana
idheefa khii assiya.

17 Fadhigh tamuunt yiinaat tuubuur yam
kwaanta, aayam guudiyaanhoob, tumirkab asa
y'abikna.

18 Aayam tageegiyaan, winneet toobuuti khii
guudiyaan. Tumirkab han eeyami khii beerta.

19 Aan aayam toobuuti khii winneet tageegaab
iiktiin, aarba tibreeti whii iifiin kassaah yamee
ikwibasna.

20 Aayam akraab tageegiyaan, eerba
itageegaab umhakwal asarama mitra daayaan.

21 Kastoooh toobuuti khii iifiint tidhhaniya:
aakilaywa, uureewwa, imalaaliit
dhhaniyaawwa, tidhhaniya t'itrififwa,
uudehaywa kassaah diggiimiyaan.

22 Whaashiib tiifiina hamshuuktiina kastaah
iyaan.

23 Ukwaasana kasteeh tidhhaniya toobuuti khii
iifiint yhati id'i. Oodehaywa, ooreewwa,
kasteeh tidhhaniya toobuuti khii itrififwa,
teekilaywa kasteeh Ukwaasana iysis id'i.
Noohwa igeeb tumirkabtiib iifiinwa aabhad
imhiin.

24 Sheebwa ay tamuun yiinaati har'ii, aayam
n'iti tikwiyaan.